

丙四、断我倒方便之瑜伽分三	丁一、略明自性			我我所骄傲，世智者谁起，以一切有情，诸境皆共故。
	丁二、广明其理分三	戊一、断世间权贵之我慢		六分雇公仆，汝有何所骄，随所负责任，要待他授给。
				如佣得所得，思主为施者，主给所应给，自矜为施主。
				余视为苦处，汝起颠倒念，以他事存活，汝由何生喜。
		己一、断总护世自在者之我慢分二	庚一、正说	王是护世者，亦为世所护，由一而生骄，余何不离骄。
				种中喜自业，存活者难得，若汝获不善，汝难得善趣。
				若由他使作，世说彼为愚，如汝随他转，更无有余者。
			庚二、明以此离非福之方便	要由我保护，取世间工资，若自作罪恶，无悲谁同彼。
				若作罪众生，非是所悲愍，则愚夫异生，皆非所庇护。
				自生欢喜因，随处皆非无，由教等为因，不能灭非福。
		己二、断别法自在者之我慢	若谓正防护，国王便为法，烦恼诸匠人，何缘不成法。	
			世间依国王，国王尤可诃，喻善诃有爱，普为世间母。	
			非愚不得王，愚人无悲愍，国王虽护者，无悲不住法。	
			诸仙一切行，智者不全为，以彼诸仙中，有劣中胜故。	
			往昔诸善王，护世如爱子，诸依净世法，今如鹿旷野。	
			己三、断特别大英勇自在者之我慢	若得便为害，国王无罪者，盗贼便害他，最初亦非有。
		若于酒等事，舍财非供养，阵中舍自身，岂思为供养。		
		国王护世间，汝全无依怙，怙者自无助，谁能生欢喜。		
		国王命终后，名称无少德，无德与屠狗，何无大名称。		
	戊三、断胜种姓者之我慢分二	己一、正说	若时大权势，由自福德招，是则不可说，此终无权势。	
			诸生活方便，世间说名种，故一切有情，无种姓差别。	
			过去时久远，女性意动摇，是故刹帝利，非由种姓生。	
			首陀由作业，既成刹帝利，首陀由作业，何非婆罗门。	
		己二、教诫断除由种姓我慢而造罪	如王分权利，不能分罪恶，智者谁为他，自摧毁后世。	
	丁三、障治摄义			自在所起慢，当观他有势，若等若增胜，善士心不起。